

INUIT ATAQATIGIIT INATSISARTUNI



3. Marts 2022

Inatsisartut Suleriaasianni § 37, imm. 1 naapertorlugu apeqqutit tulliuttut naalakkersuisunut saqqummiuppakka:

Naalakkersuisunut apeqqutit:

- 1. Inuussutissasiornermi ineriartortitsinermut pisariaqartuik politikikkut suliniutinut siunnersuisussanik eqqarsaqatigiinnik pilersitsiniarnermi suliani Naalakkersuisut sumut killippat?**
- 2. Namminersorlutik inuussutissarsiortuni sorlerni ingerlatsisut eqqarsaqatigiinni ilaatinneqassappat?**
- 3. Qanoq ililluni nunat immikkoortuisa tamarmik eqqarsaqatigiinni ilaanissaat qulakkeerneqassava?**
- 4. Suliffeqarfiit sivisuumik ingerlareersut aallarnisaasullu eqqarsaqatigiinni sinniisoqassappat?**
- 5. Neriuppunga suliffeqarfiit nunarsuarmi ingerlatsinermi misilittagallit ilanngullugit qaaqquneqassasut, Naalakkersuisut tamatumunnga qanoq eqqarsaatersuuteqarpat?**

(Inatsisartunut ilaasortaq Asii Chemnitz Narup, Inuit Ataqatigiit)

Tungavilersuut:

Naalakkersuisut Naalakkersuisooqatigiinnermik isumaqatigiisummi Nammaqatigiinneq, patajaassuseq, siuariartorneq sammisami Inuussutissarsiortut – Imminut pilersorneq Inuussutissasiornermi ineriartortitsinermut pisariaqartuik politikikkut suliniutinut siunnersuisussanik eqqarsaqatigiinnik pilersitsinissamik anguniagaqarnerat nuannaarlunga maluginiarpara. (issuagaq)

INUIT ATAQATIGIIT INATSISARTUNI



Nunarput nutaaliorfiusumik, anguniagaqartumik allannguisumik ineriartortitsinermik, aningaasaqarnikkut innuttatigullu siuariartornissamik qulakkeerinneqartaasinnaasumik pisariaqartitsisoq isumaqarpunga. Nunarput namminersorlutik inuussutissarsiortunik nunarsuarmi piujuartitsisumik anguniagaqarnermut peqataallutik suleqataasinnaasunik, mingutsitsinngitsunullu ikaarsaarnermi suleqataasinnaasunik pisariaqartitsivoq. Nunarput namminersorlutik inuussutissarsiortunik eqeersimaartunik nunatsinnillu isorartuumik pituttuillutillu ataqatigiinnermik ikorfartuisunik pisariaqartitsivoq.

Neriuppunga nunanut allanut tappissuunissaq eqqaamaneqassasoq.

Isumassarsianik paarlaateqatigiiffimmik, isumassarsianik ineriartortitsivimmik misilittakkanillu avitseqatigiiffittut oqalliseqatigiiffik immitsinnut pikkorinnerulersinnissatsinnut aqqutissatsialaavoq. Tamanna inuiaqatigiit pisariaqartippaat.

Eqqarsaatit taakku periarfissallu aallaavigalugit inuussutissarsiornermik siuariartortitsinermut eqqarsaqatigiiffik isumassarsiatsialaavoq.

Apeqqutima ullut qulit iluanni akineqarnissaat kissaatigaara.